

解拳論

令無倒解故造斯論頌曰
於繩作蛇解 見繩知境無 若了彼分時
知如蛇解謬

掌中論

選四

十二

陳 那 善 薩 造

唐三藏法師義淨奉 制譯

論曰謂於三界但有假名實無外境由妄執
是錯解無有實事復於繩處支分差別善觀
察時繩之自體亦不可得如是知已所有繩
解猶如蛇覺唯有妄識如於繩處有惑亂識
故今欲為彼未證真者決擇諸法自性之門

故緣繩及分等心所有相狀但唯妄識頌曰
諸有假設事 詳觀自性時 從他皆假名
乃至世俗境

論曰如於繩等支分之處別別分析審觀察
時知無實體唯是妄心如是應知一切諸法
但是假名如瓶進四衣等物藉泥縷十三等成乃至言
說識所行境未至破壞名爲瓶等言從他者
謂從世俗言說而有非於勝義頌曰
無分非見故 至極同非有 但由惑亂心
智者不應執

論曰若復執云諸有假事至極微位不可分
析復無方分是實有者此即猶如空華及兔
角等不可見故無力能生緣彼識故所執極
彼定非實有所以須說不可見因由彼不能
安立極微成實有故所以者何由有方分事
差別故猶如現見有瓶衣等物東西南北等
方分別故斯皆現有支分可得若言極微是
現有者必有方分別異性故是則應許東西
比等支分別故此實極微理不成就亦非一
體多分成故見事別故一實極微定不可得

如是應捨極微之論是故智者了知三界咸
是妄情欲求妙理不應執實頌曰

妄有非實故 與所見不同 由境相虛妄

能緣亦非有

論曰若言我亦於彼瓶衣等事許彼自性是

不可得皆是妄識之所分別然而緣彼相狀
亂識是其實有觀犍達婆城及幻人等其識
是有設有此識亦非實故與所見事不相應
故此惑亂識於所緣境作有性解彼事自性
已明非有境既是無能緣妄識亦非實有云

何令彼妄識有耶然於世間不曾見有無能
生種子有所生芽等由斯汝說幻城等喻道
理不成頌曰

斯皆是假設 善覺者能知 智人斷煩惱
易若除蛇怖

論曰如說三界但有假名瓶等麁麤覺既除遣
迷
已知從名言而有其事善觀察者能了知已
即於繩處蛇怖除遣復審思惟了彼差別於
繩等處妄執亦無如是觀時一切能生雜染
之法易速蠲除煩惱羅網及諸業果自當斷

滅有別頌曰

智人觀俗事 當隨俗所行 欲求煩惱斷
要明真勝義

猶如世人於諸俗事瓶衣等處以爲實有名
瓶衣等智者亦爾當順世間而興言說知非
實有若樂觀察煩惱過失求解脫者宜於如
是真勝義中周遍推尋如理作意於諸境處
及能緣妄識煩惱繫縛不復生長

音釋

叡以芮切深妙切
明通達也鞘私室也
鼻許救切以釐口

捷渠切渠焉

邊

十五